

NAQQIISSUT

Siunnersuut ulloq 8. februar 2014-imeersoq taarserpaa, pissutigalugu aqqissuussinikkut allannguuteqartitsisoqarmat, ilanngullugu nassuiaatini erseqqissaasoqarluni.

Uunga siunnersuut: Sermip erngullu avammut nioqutissatut atorneqarnissaat pillugu Inatsisartut inatsisaata allanngortinnissaanut siunnersuut nr. 7 31. maj 2001-imeersoq (sermip erngullu avammut nioqutiginissaannut inatsit)
(Oqartussat taagutaannik taamatullu paasissutissanillu nalunaaruteqartarnerni maleruagassanik assigisaannillu allanngueq)

§ 1

Inatsisartut inatsisaat nr. 7 ulloq 31. maj 2001-imeersoq sermip erngullu avammut nioqutissatut atorneqarnissaat pillugu Inatsisartut inatsisaanni (sermip erngullu avammut nioqutiginissaannut inatsit) makkua allanngortinneqassapput:

1. Inatsisartut inatsisaanni tamarmi oqaaseq "Landsstyret" "Naalakkersuisut"-nut allanngortinneqassaaq.

2. Inatsisartut inatsisaanni tamarmi oqaatsit "namminersornerullutik oqartussat" "namminersorlutik oqartussat"-nut kiisalu "namminersornerullutik oqartussat" "namminersorlutik oqartussat"-nut allanngortinneqassapput.

3. § 18 imatut oqaasertaqassaaq:

” **§ 18.** Piginnaatitsinermik pigisaqartut allallu Inatsisartut inatsisaannut ilaasut Naalakkersuisunut tunniuttussaavaat paasissutissat uppernarsaatilluunniit suliffeqarfiup pisortanit suliarineqarnerani pisariaqartinneqartut. Pisortat suliarinninnerata naammassineqarnissaa anguniarlugu Naalakkersuisut piginnaatitsissummik pigisaqartut peqqusinnaavaat paasissutissat pisariaqartitaasut nassiuteqqullugit.

Imm. 2. Akuersissummik pigisaqartut suliaasimasut taakkulu inerneru ukiut tamaasa nalunaarutigisassavaat, matumani ilanngullugit ingerlatap avatangiisinut sunniutai. Nalunaartarnissamut piumasaqaatit akuersissutini aalajangersarneqartassapput.

Imm.3. Naalakkersuisut akuersissummik pigisaqartup sulisumi entreprenørit,

kiffartuusinermi sulisuni kiisalu pilersuisuni assigisaallu akuersissuteqarnermut ilaatinneqartumut taamatullu inatsisartut inatsisaat tunngavigalugit sulianut ingerlataminnut avammullu tunioraanerminnut tunngatillugu paasissutissanik uppersaatinillu tunniussisarnissamut piunarsaatit aalajangersaasinnaapput.

Imm. 4. Naalakkersuisut akuersissummik pigisaqartup sulisumi entreprenørit, kiffartuusinermi silisuni kiisalu pilersuisuni assigisaallu akuersissuteqarnermut ilaatinneqartumut taamatullu inatsisartut inatsisaat tunngavigalugit sulianut ingerlataminnut avammullu tunioraanerminnut tunngatillugu paasissutissanik uppersaatinillu tunniussisarnissamut pisussaaffilerneqas-sanersorlu pillugu aalajangersaasinnaapput.”.

4. § 29, *imm. 2, nr. 3*, imatut oqaasertaqassaaq:

”3) § 12, *imm. 1*, § 13, § 18, *imm. 2* imaluunniit 3, § 21, *imm. 2*, imaluunniit § 26 naapertorlugit nalunaarutigineqartutut piunarsaatit sanioqquppai.”.

5. § 29, *imm. 2, nr. 4*, imatut oqaasertaqassaaq:

”4) § 10, *imm. 2*, imaluunniit § 17, *imm. 1*-imi peqqussutitut nalunaarsukkat imaluunniit § 18, *imm. 1, 3* imaluunniit 4-mi peqqussutitut aamma aalajangiussatut nalunaarsukkat malittarinissaat ilaginnarpai.”.

§ 2

Imm. 1. Inatsisartut inatsisaat atuutilissaaq ulloq 1. juli 2014.

Imm. 2. Sermip erngullu avammut nioqqutissatut atorneqarnissaannut imaluunniit misissueqqaarnissamut akuersissutit Inatsisartut inatsisaata atuutilersinneratigut tunniunneqartut atuuttussaantertik ingerlatiinnassavaat. Kiisalu Inatsisartut inatsisaat akuersissutini taamaattuni, atuinissamut, akuersissutini taamaattuni avammut nioqqutissatut atorneqarnissaannut akuersissutit sermip erngullu avammut nioqqutiginnissaannut inatsimmut ilaasut akuersissuteqarfigineqarsimasut inatsisartut inatsisaata atuutilernerani ingerlaannassapput.

Namminersorlutik Oqartussat , ulloq [ulloq]. [qaammat] 2014

Aleqa Hammond